


Beretitenti
Dieter F. Uchtdorf

Kauoman ni Kauntira
n te Moan Beretitentii



Karoroan te Wanikiba ma te Kamanoaki Rinanon Angibuaka aika Korakora

Nte tai ae aki maan n nako Ngai, ma kainnabau, Harriet, ti mena n te marae ni wanikiba n matakuakinii taian wanikiba aika kamiimi n tikurikaaki iaon te aba. E angang te bong anne, ao te ubwannang ae korakora e karematoa ni ueebana te wanikiba, are e a krika waekoan rairakin temanna ma temanna ao ni maaku n tain te roko aio.

Ngke ti tabe n taraa te kaangangaa aei imarenan ana kario bwai te aba ao te mitiin, e oki au iango nakon moan au kataneiai ni kiba ao taian reirei ake I reiakin ikekei—ao are i aki toki n reireiniia bwairati ake tabeman aron te kataneiai aio.

“Tai korakai ni kairoroa te wanikiba bwa e na karaoa are ko tangiria n tain te angibuaka,” I taneiai n tutuangia aio. “Taotaona angina; tai rang riao. Kateimatoai matami n raini n nuukan te kawai. Ngkana ko tua nako man kawaiim n ruo, karaoia ni kaetia ma te karaurau. Onimakina ana konabwai am wanikiba. Teimatoa kiiba ni karokoa e toki te ang.”

Bwairati ake a mwaatai a atatai raoi bwa a aki kona n taobaraiai bwai ake a riki irarikiia n taainako. A aki kona ni katoka te angibuaka. A aki kona ni kamaunananako te karau ke te tinoo. A aki kona ni katoka kareng te ang ke ni bita kawaina.

Ma a ota bwa bon te kairua ae e na maakaki te angibuaka ke te ang ae korakora—ao ai moarara riki n akean

te kantaninga n te bwai ae ti kona ni karaoia iai. Te kawai n tikurikaaki ma te kamanoaki ngkana e a karako bwai aika a riki nakon te kantaninga bon te tiku ni kawain te kiba ae eti.

Ngke I tabe ni matakuakina tewana imwiin tewana te wanikiba ni karaoa tokin kawaina ao n uring taian reirei ake I reiakin man au ririki ni bwairati, I miimi ngkana ake a reirei n aei ibukin maiura ni katoa bong.

Ti aki kona n taobaraa te buaka are ti rinanona inanon maiura. N tabetai bwai a aki riki n aron are ti tangiri. Ti na bae n tabeaianga ni kaangaangan te nanokawaki, te nanououua, te maaku, te rawawata, ke te raraoma.

N taai akanne, e bebete te rekenako ni bwai aika bure ao ni karaoi ara kaangaanga bwa nuukan ara iango. Te kariiri bon katuruan ara taratara iaon kakatai ake ti kaitarai ma tiaki iaon te Tia Kamaiu ao ara kakoaua ibukin te koaua.

Ma tiaki anne te kawai ae tamaroa n rinanon ara kaangaanga inanon maiura.

N aron te bwairati ae mwaatai e kateimatoai ni katurua ana taratara tiaki iaon te buaka ma iaon rainin nuukan te kawai ao te tabo ae eti are e na kona n tikurikaak iai, ngaia are ti riai ni katurui ara taratara n nuukan ara onimaki—ara Tia Kamaiu, Ana euangkerio, ao ana babaire Tamara are i Karawa—ao ni kabanean ara kouru—n

oki ma te kamanoaki n tokin kawaira i karawa. Ti riai n onimakina te Atua ao ni kateimatoai ara kekeiaki ni bwaai ake a riai ni karaoi ana reirei. Ti riai ni kateimatoai matara, nanora, ao ni katarui ara iango ni mauakinan te kawai are ti ataia bwa ti riai ni karaoia.

Ni kaota ara onimaki ao onimakinan te Tama are i Karawa ni kimwareireira ni kawakin Ana tua e na uota nakoira te kukurei ao te mimitong. Ao ngkana ti tiku iaon te kawai, ti na kona n rinanon angibuaka nako—e aki kakawaki bwa korakorara are e na kaoti—ao n oki ma te kamanoaki nakon mweengara i karawa.

Ngkana e itiaki te nang are e katobibira ke ni kaonaki ma te nang ae kakamaaku, n aroia ana reirei Iesu Kristo, ti ukoukora moa uean te Atua ao raoiroina, n ataia bwa ngkana ti karaoia, bwaai ake ti kainnanoi a na katauraoaki n te kabane (taraa Mataio 6:33).

Bon te reirei ae kakawaki n te maiu aio!

Ngkana ti kamwaitia riki ni katurua ara taratara iaon ara kaangaanga, korakaira, ara nanououa, ao maakura, a na mwaiti riki ni kaoti bwaai aika kaangaanga. Ma ngkana ti kamwaitia riki ni katurua ara taratara n tokin kawaira i karawa ao ni karaoi bwaai ake e riai ni karaoi ana reirei — tangiran te Atua, ni beku ibukiia kaain rarikira—taraan ae ti na kona n tokanikai ni borau rinanon taai ni kaangaanga ao angibuaka.

Nakoia raoraou, e aki kakawaki bwa matoatoara ae-kakin maiura ma angibuaka aika a na roko iaora, ma ana euangkerio Iesu Kristo e a tia ni katauraoa te kawai ae tamaroa n tainako ni kakoroi nanon ara kouru n abanuean Tamara are i Karawa.

REIREI MAN TE RONGORONGO AEI

E reireiniira Beretitenti Uchtdorf bwa ti na "onimakina te Atua ao ni katurui ara kekeiaki ni bwaai ake a riai ni karaoi ana reirei. Iangoia n titirakinia naake ko reireiniia bwa a kanga n teimatoa ni katurui aia taratara "n tokin kawaira i karawa ao iaon kukureira n iriira kawain ana reirei" inanon taai ngke a kaitara ma taian

kakatai. Ko bae ni kaoia bwa a na iangoi kawai ake a kona ni katurui aia iango iaon aia kakoaua ao iaon Kristo n taai ni kaangaanga ao n tataromwaaka bwa a na kanga ni karina teuana te iango te a mwaiti riki inanon maiuia.

KAIRAKE

Aan Au Kakoaua

Iroun Jennifer Weaver

Ngke te 16 au ririki, e kaoti temanna raoraou ni mweengau ma mitinare. Inanon moan au namwakaina n reirei ma mitinare, a bane ni kaekaaki au titiraki n ae e itiaki. I namakina te Tamnei ae Raoiroi ni kaota koauan te rongorongo ibukin Kaokan te Euangkerio. Tiaki n aron te bwai ae I a kaman tia n namakinna, ao I ataia bwa a bane ni koaua.

E ngae n anne, I rinanon riki te totoko ao te kakaitara nakon are mai imwaaina. I namakina te maroaa, te kua ao te aki ota. Ngke I karaoa te bwai ae eti, bukin tera I kaitaraaki ma te kaangaanga ae moan te bat? I aki ota bwa a kanga katakiu n riki bwa tamaroau. A reireinai mitinare aron te aki mamamatam ao te tataro, e ngae ngke ti a roko inuukan bongin te reirei. Ngkana I aki kona n totokoi taian kaangaanga I moanna n tataro ma nanou ao n te tai ae waekoa I namakina ana karuanano te Tamnei.

Wiikin au bwabetito e kaonaki ma taian kakatai. E kakamaakai au bwaoti bwa e na kabaneai ngkana I aki taona au bwabetito bwa e na oneaki mwiiu iroun te manna, tokina I a rokoroko n te onaoraki ao e kuneaki bwa ngaia iai baika a kuneaki inanon au kirine, ao au karo a tuangai bwa ti na kitana mweengara. Ma bwaai aika a mwaiti ake I aki kona n taobarai, te bwai ae tii kona ni karaoia bon rairakiu nakon te Uea.

Kakatai nako akanne a riki bwa kabwaiau. A buokai n reiakina taekan tuan te euangkerio, are e katauraoa nakoio aan au kakoaua.

E maeka te tia korokaraki i Idaho, USA.



Te Mare E Katabuaki Iroun te Atua

Tataromwaaka ni kamatebwiaia te bwai n reirei aei ao n ukoria bwia ko aonga n ataia bwa tera ae ko na tibwaia. E kanga ataakin “Te Utu: Te Katanoata nakon te Aonaaba” karikirakea am onimaki iroun te Atua ao ni kakabwaiaia naake ko tararuaiia rinanon te reirei ni kakawari? Ibukin rongorongona riki tabeua, nakon reliefsony.lds.org.

Burabeti, abotoro, ao taan kairiiri a reiti nako ni “katanoata ma te kantaninga ae tabu bwa te mareaki imarenan te mwaane ao te aine e katabuaki iroun te Atua ao te utu bon te bwai ae kakawaki nakon ana babaire te Tia Karikibwai.”¹

E taku Unimwaane D.Todd Christofferson man te Kooram n Abotoro n te Tengaun ma Uoman: “Te utu ae kateaki ni mareakin te mwaane ao te aine e katau-raoi babaire aika a tamaroa ibukin ana babaire te Atua bwa a na maiureirei. . . .

“. . . Akea riki bwaai tabeua ae kona temanna ni bita aron te mare ae tabu aei”²

Bonnie L. Oscarson, te Beretitenti ni Kabuta n te Bootaki n Ataeinaine, e taku: “Aomata n tatabemaniia nako, e aki kakawaki bwa tera ae a rinanona n aia mare ke mwaitiia natia, a kona n riki bwa taan katana ana babaire te Uea are e kabwara-bwaraaki n ana katanoata te utu. Ngkana ana babaire te Uea, e riai naba n riki bwa ara babaire!”³

E reitia Unimwaane Christofferson: “Tabeman ibuakomi a aki karekea te kakabwaia n te mare ibukina bwa ti aki tau n aron akean te kantininga ni baika kona

ni karaoaki, kaitataan imarenan raom n aine ke ni mwaane, mamaara n te rabwata ke te iango, ke te maaku ni karaoa ae bure. . . . Ke kam a bae n tia ni mare, ma e a toki te mare anne. . . . Tabeman ibuakomi ake kam a tia ni mare a aki kona ni kariki. . . .

“N te aro are, . . . aomata n tatabemaniia nako a kona ni buoka te babaire ae tabu bwa e na koronanona inanon rooro nako.”⁴

Rakan riki Booki aika Tabu

Karikani Bai 2:18–24; 1 I-Korinto 11:11; Doctrine ao Covenants 49:15–17

Karaki n Taai Aikai

Te Tari Larry M. Gibson, te moan kauntira ngkoia n te beretitentii ni kabuta n te bootaki n ataeini-mwaane, e uringa Shirley, kainnabana ngkai, e taku:

“I tangiriko ibukina I ataia bwa ko tangira riki te Atua nakoiu.”⁵

“Te kaeka anne e korakora nanona nakoiu. . . .

“. . . [Ao] I tangiria n tainako bwa e na namakinna bwa I tangira te Uea nakon bwaai riki tabeua.”⁵

E reirei Unimwaane David A. Bednar man te Kooram n Abotoro

n te Tengaun ma Uoman: “Te Uea Iesu Kristo nuukan te kantninga n te reitaki n te mare ae tabu. . . . [Iangoia bwa] te Tia Kamaiu e kateaki i tabon [te] turaiangko, ma te aine e kateaki inano i tabon te koonaa teuana ao te mwaane n te koonaa are te iterana. Ngkai iangoia tera ae e riki n te reitaki imarenan te mwaane ao te aine ngkai ngaiia n tatabemaniia nako n te aro ae matoatoa a ‘nakon Kristo’ ao ni kekeiaki ni ‘kakororaoaki Irouna’ (Moronaa 10:32). Ibukin ao rinanon te Tia Kabooira, te mwaane ao te aine a uaia ni kaan riki.”⁶

BWAAI AIKA A NA TARAAKI

1. “Te Utu: Te Katanoata nakon te Aonaaba,” *Riaona*, Nobembwa. 2010, 129.
2. D. Todd Christofferson, “Why Marriage, Why Family,” *Riaona*, Meei 2015, 52.
3. Bonnie L. Oscarson, “Defenders of the Family Proclamation,” *Riaona*, Meei 2015, 15.
4. D. Todd Christofferson, “Why Marriage, Why Family,” 52.
5. Larry M. Gibson, “Fulfilling Our Eternal Destiny,” *Ensign*, Beberuare. 2015, 21–22.
6. David A. Bednar, “Marriage Is Essential to His Eternal Plan,” *Riaona*, Tuun 2006, 54.

Iangoa Aio

N na kanga n tii Ngai n te aro ae matoatoa ni keiaki n “oki nakon Kristo”?